

四庫全書

子部

欽定四庫全書

子部

外臺秘要方卷二十三  
四

詳校官太醫院吏目臣宋桂

編修臣倉聖脈覆勘

總校官進士臣繆琪

校對官助教臣卜惟吉

謄錄監生臣謝蓮鏢

欽定四庫全書

外臺秘要方卷二十三

癭病方一十八首

唐 王燾 撰

病源癭者由憂恚氣結所生亦由飲沙水沙隨氣入於脈搏頸下而成之初作與癭核相似而當頸下也皮寬不急垂槌槌然也恚氣結成癭者但垂核槌槌然無脈也飲沙水成癭者有核癭癭然無根浮動在皮中又

云有三種癭有血癭可破之息肉癭可割之有氣癭可具針之養生方云諸山水黑土中出泉流者不可久居

常食令人作癭病動氣增患

出第三十一卷中

肘後療頸下卒結囊漸大欲成癭海藻酒方

海藻

一斤  
去鹹

清酒

二升

右二味以絹袋盛海藻酒漬春夏二日一服二合稍稍含咽之日三酒盡更以酒二升漬飲之如前滓暴乾未服方寸匕日三盡更作三劑佳

崔氏文仲同

又方

昆布海藻等分末之蜜丸含如杏核大含稍稍咽

汁日四五

並出  
中卷

深師療癭方

桂心

昆布洗

海藻洗

甘草炙

白麩

蒸錢  
三分

龍膽草

海蛤研

土瓜根

半夏

洗

吳茱萸

牡蠣蒸各  
一兩

右十一味為散酢漿水服五分匕先食日三十日知

盡藥愈節食鹽羊肉錫生葱菘菜

又方

海藻二分

洗

龍膽草

二分

昆布

二分

土瓜根

二分

半夏

二分

小麥麩

二分

右六味為散先食酒服方寸匕日三二十日知三十

日愈忌羊肉錫

並出第二十九卷中

小品癭病者始作與癭核相似其癭病喜當頸下當中  
央不偏兩邊也乃不急臆然則是癭也中國人息氣結

癭者但垂腿無核也長安及襄陽蠻人其飲沙水喜  
癭有核癭癭耳無根浮動在皮中其地婦人患之腎氣  
實沙石性合於腎則令腎實故病癭也北方婦人飲沙  
水者產乳其於難非針不出是以比家有不救者良由  
此也

療癭方

小麥一升

醇苦酒一升漬小麥令釋漉出暴燥復漬使苦酒盡

暴麥燥擣篩以海藻三兩別擣以和麥末令調酒服

方寸匕日三禁鹽生魚生菜豬肉

肘後崔氏備急云  
療三十年癭疾集

驗文仲范汪等同出第十  
卷中肘後用海藻五兩

### 集驗療癭酒方

是水雨經露出柳根

三十斤

右以水一斛煮得五斗同米三斗釀之酒成先食服

一升日三

范汪同出  
第四卷中

### 崔氏海藻散療癭方

海藻

八兩洗  
去鹹汁

貝母

二兩

土瓜根

二分

小麥麴

二分

炒

右四味作散酒服方寸匕日三

又方

秫米

三升依  
酒法炊

右一味取圓葉白楊皮十兩去上蒼者慎勿令見風  
細切以水五升煮取二升濃汁漬麴末五兩用前件  
秫米依酒法釀之熟訖封塞一七日然後空腹服一

大盞日再服三日內即効神驗無比

並出第四卷中

張文仲隱居効驗療癭方

昆布 洗

松蘿 各三分

海藻 五分

右三味搗蜜丸如杏核大含咽津日三夜二大佳

備急

肘後同

又療癭司農揚丞服効第一方

昆布 六分洗

海藻 七分

松蘿

乾薑

桂心 各四分

通草 五分

右六味搗篩蜜丸如梧子一服吞七丸即住在頸下  
癭處欲至食時即先飲少酒下却丸子後進食禁酢  
蒜鹽酪臭肉倉米等若癭大者加藥令多取差

又第二方

昆布

洗

海藻

洗各  
一斤

右二味細切好酒五升浸七日量力取數服酒盡以  
酒更浸兩遍藥力盡當以此酒下前丸藥益善

備急  
肘後

同

又方

小麥

三升

右以三年米酢三升漬麥暴乾乾更浸使酢盡又暴乾擣篩為散別擣昆布為散每服取麥散二匕昆布散一匕旦飽食訖清酒和服之若不能飲酒者以水和服亦得服盡即差多服彌善無所禁但不用舉重

及悲啼煩惱等事

肘後備急  
集驗同

又含丸方

檳榔 三兩

馬尾海藻 三兩

昆布 三兩

右三味末之蜜丸如雞子黃大每日空腹含一九徐

徐令津液取汁咽之忌鹽並楊丞方服驗 肘後備急同並出第

六卷中

### 救急療癭要切方

鼠粘草根 一升

湯洗

右細切除皮者一升一物以水三升煮取一升半分  
溫三服服相去如人行四五里一服宜頓服六劑病

即差一方削除皮細切取三大升擣篩為散蜜和丸  
如梧子一服二十九日再服之稍稍加至三十九以

無灰酒進之

出第五  
卷中

古今錄驗療氣癭方

晉州熙公  
秦徐公方

問荊

一兩出  
海島

羯羊靨

五具去  
脂炙

白斂

椒目

甘草

炙各  
一分

小麥麴末

二兩  
熬

右六味擣篩為散羊靨一種別擣為末相和好漿浸  
更擣作丸如小棗大一服五丸無禁

又方

羊靨一百枚煖湯浸去脂炙大棗二十枚去皮作  
丸服忌慎如常藥法

又方

取羊靨一具去脂含汁汁盡去皮日一具七日含  
便差

又療癭海藻散方

海藻

洗十分

昆布

洗一兩

海蛤

研一兩

通草

一兩

菘蘿 洗

乾薑

桂心 各二兩

右七味下篩酒服一錢匕日三

出第四十一卷中肘後無乾薑有白欬

氣瘕方一十首

廣濟療氣瘕氣胃膈滿塞咽喉項頸漸麤昆布丸方

昆布

二兩洗去鹹汁

通草 一兩

羊靨 二具炙

海蛤 一兩研

馬尾海藻

一兩洗去鹹汁

右五味蜜丸如彈子細細含咽汁忌生菜熱麵炙肉

蒜笋

又療冷氣築咽喉噎塞兼癭氣昆布丸方

昆布

八分洗

乾薑

六分

犀角

六分屑

吳茱萸

四分

人參

八分

馬尾海藻

四分洗

葶藶子

六分熬

杏仁

八分

去皮  
尖熬

右八味擣篩蜜丸如梧子空腹以飲服忌生冷粘食  
陳臭等餘忌同前

又療氣妨塞方

昆布

三兩洗

菘蘿

通草

柳根鬚

各三

兩近水  
生者

右四味搗篩蜜丸如彈丸大以海藻湯浸細細含之  
咽盡勿停忌舉重生嗔憂悲等

又療癭細氣方

昆布

十二分洗

馬尾海藻

十分洗

杏仁

八分

通草

麥門冬

去心

連翹

各六分

乾薑

橘皮

各六分

茯苓

八分

松蘿

三分兩

右十味搗末以袋盛含之乃以齒微微嚼藥袋子汁

出入咽中日夜勿停有問荊加四分佳忌嗔及勞油

膩粘食

並出第  
二卷中

深師蘇子膏療氣癭方

臘月豬脂升一蘇子

桂心

大黃

當歸

乾薑

橘皮

蜀椒

汗各  
三分

右八味切以水六升煮取二升去滓內豬脂消盡服

差忌生葱

出第二十  
九卷中

崔氏云凡水癭氣癭可差石癭不可治療氣癭方

平旦手挽癭令離項掐其下根脈斷愈一日一度  
掐易愈者七日如難差者三七日愈

又方

昆布

二兩  
洗

海藻

二兩  
洗

龍膽草

一兩

馬刀

半兩  
炙

海蛤

半兩  
研

大黃

一分

熏黃

半兩

右七味搗蜜丸如梧子大破除日以綿裹一丸含咽  
津朝暮空腹服忌五辛豬肉

又方

海藻

二兩  
洗

右一味以淳酒四升漬二宿漉去滓細細煖含咽之

盡即更造取差為度

范汪同並出  
第四卷中

必効主氣癭方

白頭翁

半兩

昆布

十分  
洗

海藻

七分  
洗

通草

七分

玄參

連翹

各八分

桂心

三分

白欬

六分

右八味搗篩蜜丸如梧子五丸若冷用酒服禁蒜麪

豬魚生葱

出第五  
卷中

古今錄驗療癭有在咽喉初起游氣去來陰陽氣相搏  
遂停住喉中前不去腫起如斛羅諸療不差小麥湯方

小麥

三升

昆布

二兩洗去鹹

厚朴

炙一兩

橘皮

附子

炮

海藻

洗各二兩

生薑

五兩

半夏

洗五兩

白前

三兩

杏仁

一百枚去尖皮

右十味切以水一斗煮取三升半分五服相去一炊

頃忌豬肉錫羊肉冷水

出第四十一卷中

五癭方八首

深師五癭丸方

取塵麝以酒漬炙乾再內酒中更浸炙令香咽汁

味盡更易十具愈

千金翼同出第  
二十九卷中

范汪療五癭方

昆布

三兩  
洗

海蛤

二兩  
研

松蘿

二兩

海藻

三兩  
洗

通草

白欬

桂心

各二  
兩

右七味作散酒服方寸匕日三

千金翼同出第  
四十二卷中

千金療石癭勞癭泥癭憂癭氣癭方

海藻

洗

龍膽草

海蛤

研

通草

昆布

洗

礬石

燒

松蘿

各三分

小麥麩

四分

熬

半夏

洗二分

右九味作散酒服方寸匕日三禁食魚豬肉五辛生菜羊肉錫十日知二十日愈

又方

菖蒲

二兩

海蛤

研一兩

白飲

一兩

海藻

洗一兩

松蘿

一兩

桂心

一兩

椒

汗一兩

羊靨

百枚

半夏

一兩  
洗

續斷

一兩

神麴

三兩

到桂草

一兩

右十二味搗作散以羊牛髓和為丸如梧子日服三

丸忌羊肉生葱等

翼同

又方

小麥麴

一升

特生礬石

一斤  
燒

海藻

一斤  
洗

右三味以陳酢一升漬小麥麴暴乾更漬令酢盡乾  
各搗下篩每服兩方寸匕日四五服含乃咽之忌同

前及大誦大語吹火用氣

翼深師用小麥麴一斗餘  
同並出第二十五卷中

千金翼五癭方

海藻

一兩洗

昆布

洗

半夏

洗

細辛

土瓜根

兩

松蘿

各一兩

白飲

龍膽草

各二

海蛤

二兩

通草

二兩

右十味作散酒服方寸匕日再忌羊肉餘忌同前

又方

昆布

二兩洗

右一味切如大指酢漬含咽汁盡愈

又方

海藻

一斤

小麥麩

一斤

右二味以陳酢一升溲麩暴令乾復漬令酢盡作散

酒服方寸匕日三忌怒

出第十卷中

灸癭法一十三首

千金灸諸癭法

灸肩髃左右相宛宛中男左十八壯右十七壯女

右十八壯左十七壯再三以差止

又法

灸風池百壯風池夾項兩邊兩穴兩耳上髮際中

通按此條千金聖濟作灸風池百壯又灸兩耳後髮際百壯乃是兩條然明堂無髮際穴

又法

灸大椎百壯兩邊相去各一寸半小下垂各三十

壯

又法

灸頸衝頸衝在伸兩手直向前令臂著頭對鼻所

住處灸之各隨年壯凡灸五處九穴

真深師並同  
通按○頸

衝即臂臑穴在肘上七寸其灸五處九穴即  
風池髮際大椎大杼頸衝五處共九穴也

又瘦上氣并短氣方

灸肺俞一百壯

又瘦上氣胃滿法

灸雲門五十壯

又瘦惡氣方

灸胃堂百壯

又瘦惡氣法

灸天府十五壯

又瘦勞氣法

灸衝陽隨年壯在肘外屈橫文頭是

據此是曲池穴衝陽在足

跌上  
五寸

又療瘦法

灸天瞿三百壯橫三間寸灸之

又瘦氣面腫法

灸通天五十壯在耳上二寸

又灸瘻法

灸中封隨年壯在兩足趺上曲尺宛宛中

並出第二十五

卷中

又灸瘻法

灸耳後髮際有一陰骨骨間有一小穴亦有動脈  
準前灸大効 已上穴所在具三十九卷明堂中

出第六

卷中

瘤方三首

肘後云皮肉中忽腫起初如梅李漸長大不痒不痛又不堅強按之柔軟此血瘤也不療乃至如盤大則不可復消而非殺人病爾亦慎不可破方乃有大療今如覺但依瘦家療療若不消更引別大方

出中卷

深師療瘤脂細瘤方

吳茱萸

一分

礬石

燒

芎藭

當歸

大黃

黃連

芍藥

白欬

黃芩

各二分

右九味合搗下篩和雞子塗著細故熟布上隨瘤大小薄厚貼之燥輒易之著藥當熟作膿脂細細從孔中出探知膿血盡著生膏若膿不盡復起故也生肉膏方如左

又生肉膏療癰瘤潰漏及金瘡百瘡悉療之方

真當歸

附子

炮

甘草

白芷

芎藭

各一兩

薤白

一兩

生地黄

三兩

右七味呔咀以豬膏三升半合微火煎白芷地黃去

滓稍以傅瘡上日三良

千金並同出第  
二十九卷中

千金云凡肉瘤勿療療則殺人慎之慎之

出第二十  
五卷中

千金翼療瘤病方

麋鹿二種肉割如厚脯火炙令熱搗掩可四炙四

易痛膿便愈不除更炙新肉用之良

出第二十  
四卷中

白瘤及二三十年瘤方三首

千金翼白瘤方

先極搔刮以繩縛之即愈又取東向木空中水熱  
刮瘤上洗之日三即愈

又方

白礬

硫黃等分

右二味末以酢和封上

並出第二十四卷中

千金陷腫散主二三十年瘤癭及骨瘤石瘤肉瘤膿瘤  
血瘤或大如杯盂升斗十年不差致有漏潰令人骨消  
肉盡或堅或硬或潰令人驚惕寐寤不安體中掣縮愈

而復發療之方

千金翼云  
陷麥散

烏賊魚骨

一分

白石英

二分

石硫黃

一分

紫石英

二分

鍾乳

三分  
研

乾薑

一分

丹參

三分

琥珀

一分  
研

大黃

一分  
兩

附子

一分  
炮

胡鷲屎

一分  
兩

右十一味為散貯以韋囊勿令泄氣若瘡濕即傅之  
若瘡乾無汁者以豬膏和傅日三四以乾為度若汁  
不盡者至五劑十劑止勿措意不作也著藥令人不  
疼痛若不消加芒硝二兩益佳忌豬肉

出第二十五  
卷中翼無鷲

喉痺方二十一首

病源喉痺者喉裏腫塞痺痛水漿不得入也人陰陽之氣出於肺循喉嚨而上下也風毒客於喉間氣結蘊積而生熱故喉腫塞而痺痛脈沉者為陰浮者為陽若右手關上脈陰陽俱實者是喉痺之候也亦令人壯熱而惡寒七八日不治則死其湯熨針石別有正方補養宣導今附於後養生方導引法云兩手拓兩頰手不動樓

肘使急腰內亦然住定放兩肋頭向外附膊腰氣散盡

勢大悶始起來去七通去喉痺

出第三  
十卷中

廣濟療喉痺急痰悶妨不通方

馬蘭根

切一  
升

升麻

三  
兩

瞿麥

二  
兩

射干

十  
兩

犀角

二兩  
屑

通草

二  
兩

玄參

三  
兩

右七味切以水八升煮取二升去滓細細含咽一日

令盡得破膿慎熱麪炙肉蒜

又療喉痺方

馬蘭子

八分

牛蒡子

六分

右二味搗為散每空腹以煖水服方寸匕漸加至一

匕半日再

並出第  
二卷中

肘後療喉痺者喉裏腫塞痺痛水漿不下入七八日即  
殺人療之方

巴豆

一枚間  
其口

右一味以綿裹極堅令有繩出外以巴豆內鼻中隨  
腫左右時時吸氣半日許即差無巴豆用杏仁以塞

耳如之

文仲范  
汪同

又方

熬杏仁熟搗蜜丸如彈子含咽其汁亦可搗杏

末帛裹含之

小品文仲備  
急范汪同

又方

礬石一兩水三升漬洗手足

又方

生地黄汁二升蜜二升合微火煎之取二升稍稍

含之

又方

射干

當歸 各三兩

右二味切以水三升煮取一升稍稍含之吐去更含

又方

剝葫塞耳鼻孔日再易之有效

又方

菖蒲根嚼燒秤鎰令赤內一抔酒中沸止飲之

仲文

備急  
同

又療喉痺方

射干一片含咽汁

又方

升麻斷含之喉塞亦然

又方

桔梗  
三兩

右一味切以水三升煮取一升頓服之忌豬肉

又方

取芥子搗碎以水及蜜和滓傳喉下燥輒易

又傳用神効方

桔梗

甘草

炙各一兩

右二味切以水一升煮取服即消有膿即出忌豬肉

海藻松菜

備急同

又療垂死者方

搗馬蘭根一握少以水絞取汁稍稍咽之口噤以

物拗灌之神良

古今錄驗雞子湯療喉痺方

半夏末

方寸匕

右一味開雞子頭去中黃白盛淳苦酒令小滿內半

夏末著中攪令和雞子著刀子鏤令穩炭上令沸藥

成置杯中及煖稍咽之但腫即減忌羊肉錫

肘後文仲同此

與仲景苦酒湯同半夏

不可作末剖之可也

又療喉痺塞射干丸方

射干

二兩

鼓

三合

芎藭

杏仁

去尖皮各

一兩

犀角

一兩

升麻

二兩

甘草

一兩

右七味擣下篩蜜和丸含之稍稍咽津日五六忌海藻菘菜

又射干湯療喉痺閉不通利而痛不得飲食者若閉喉并諸疾方

當歸

二兩

升麻

一兩

白芷

三兩

射干

甘草

炙

犀角

屑

杏仁

去尖皮各一兩

右七味切以水八升煮取一升半分服神良忌海藻

菘菜

出第二十卷中

近効療喉痺方

大附子

一個刮去皮作四片

右一味以蜜塗火上炙稍熱即含咽汁甜盡又取一片準前含如已作頭即膿出如未作頭立消神驗忌豬肉冷水

又方

朴硝一兩細細含咽汁一食頃差

又若腫全盛語聲不出者方

大附子

一枚炮裂剖  
去皮切如豆

右一味含一塊咽汁半食間即差烏頭亦得忌豬肉  
冷水

咽喉中閉塞方三首

廣濟療咽喉中塞鼻中瘡出及乾嘔頭痛食不下方

升麻

通草

黃蘗

玄參

各八分

麥門冬

十分  
去心

竹茹

前胡

各六  
分

芒硝

十分

右八味切以水八升煮取二升五合去滓內硝溫分

三服服別如人食頃自利去硝

又方

生雞子一顆開頭取白去黃著米酢拌煆火煨沸  
起擊下沸定更三度成就熱飲酢盡不過一二即

差

並出第  
二卷中

近効療喉痺喉咽塞喘息不通須臾欲絕神驗方

馬蘭根葉

二兩

右一味切以水一大升半煮取一大盞去滓細細喫  
須臾即通絡石草亦療煎法分兩亦同

喉舌生瘡爛方八首

肘後療喉口中及舌生瘡爛方

含好淳苦酒即愈

文仲備急同

又方

一酒漬蘘荷根半日含漱其汁

又方

杏仁

二十枚

甘草

一分

黃連

一分

右三味末綿裹含之

千金同

又方

礬石

二兩燒去汗

黃連

一分末

右二味同研內口中令布瘡上

又方

黃連

一分兩

右一味切以水三升煮取一升稍稍含冷吐忌豬肉

冷水

張文仲療口中及舌生瘡爛方

取牛膝根酒漬含漱之無酒者但亦取含之

肘後同

又方

劉黃蘗含之

肘後同並出第七卷中

備急療喉中及舌生瘡爛方

劉薔薇根濃煮汁含漱之冬用根夏用枝葉

文仲肘後

同出第  
四卷中

咽喉生瘡方四首

廣濟療咽中生瘡吐血不下食方

方怡雲曰此方余用已驗但不大使者先

看輕重消息下  
之後用此方

生地黃

五兩

青竹茹

玄參

雞蘇

各二兩

茯苓

升麻

麥門冬

去心各  
三兩

右七味切以水八升煮取二升五合去滓分温三服  
服相去如人行七八里不能多服含細咽亦得忌

生冷熱麪炙肉油酢

出第五卷中

千金療口中塞及咽喉不利生瘡口燥膏方

豬膏

一斤

白蜜

一斤

黃連

一斤

右三味合煎去滓攪令相得含如半棗日四五度

又療熱病口爛咽喉生瘡水漿不得入膏方

當歸

射干

升麻

各一斤

附子

半兩炮二

白蜜

四兩

右五味切以豬膏四兩先煎之成膏下著地勿令大

熱內諸藥微火煎附子色黃藥成絞去滓內蜜復上  
微火煎令相得盛器中令凝取如杏子大含之日四

五度稍稍咽之

並出第  
六卷中

古今錄驗升麻湯療咽喉生瘡方

甘草

一兩  
炙

升麻

石膏

碎

牡丹皮

各一  
兩

右四味切以水七升煮取三升一服七合日三忌海

藻菘菜

出第二十  
九卷中

咽喉腫方五首

肘後咽喉卒癰腫食飲不過方

用薤一把搗傅腫上冷復易之用苦酒和亦佳

范汪

同

又方

吞薏苡仁子二枚

延年療喉中熱腫方

鼠粘根

切一升

右一味以水五升煮取三升去滓分溫三四服忌蒜

麩

出第十  
九卷中

古今錄驗羚羊角豉湯療喉痛腫結毒氣衝心胃方

豉

一升  
半

犀角

一兩  
屑

羚羊角

一兩  
屑

芍藥

三兩

升麻

四兩

杏仁

一兩  
去尖皮

梔子

七枝

甘草

炙一兩

右八味切以水七升煮取一升半去滓分三服忌海

藻松菜

又五香湯療諸惡氣喉腫結核方

沉香

二兩

薰陸香

一兩

麝香

二分  
研湯成下

青木香

二兩

雞舌香

二兩

右五味以水五升煮取一升半去滓分三服

並出第十九

中卷

喉卒塞痛及卒毒攻痛方三首

范汪療卒喉中塞痛不得飲食方

取敗筆一枝燒屑以漿飲服一方寸匕良驗

出第十五

中卷

文仲療喉中卒毒攻痛方

章陸根切炙令熟隔布熨之冷轉易立愈姚云苦

酒熱熬傳喉亦療喉痺

肘後小品同

又方

擣艾傳之

並出第七卷中

懸癰腫方三首

肘後療懸癰腫卒長數寸如指隨喉出入不得食方

開口捧頭以筋抑舌及燒小鐵於管中灼之令破

灼火畢以鹽隨烙處塗之

又方

搗鹽綿纏筋頭點鹽傳以揩之日六七度

文仲備急同

千金療懸癰垂暴腫長方

乾薑

半夏

等分洗

右二味末之以少少著舌本

翼同出第六卷中

咽喉雜療方四首

范汪療咽喉不利下氣丸方

射干

附子

炮

人參

杏仁

各一分

右四味合搗下篩蜜丸如梧子含一九咽汁日三夜

一忌豬肉冷水

千金同

又療口中咽喉不利當歸含丸方

當歸末

二兩

杏仁

一兩

右二味搗合下篩以蜜和為丸如梧子二丸含漸漸咽汁日三夜再

又療咽喉中痛不利丸方

升麻

甘草

炙

鬼白

射干

丹砂

各一兩

雄黃

一兩

杏仁

一十枚

麝香

半兩

右八味搗下篩和以蜜丸如梧子飲服一九日三漸

加之酒下亦得咽痛失聲不利用良忌海藻菘菜

千金

同出第五

十卷中

崔氏療口咽咽內瘡痛欲失聲方

桂心

二兩

杏仁

二兩 熱

黃芩

一兩

右三味搗末合和綿裹含如杏仁許咽汁消盡更含

日三夜二忌膩食

出第四卷中

寒熱瘰癧方一十一首

病源此由風邪毒氣客於肌肉隨虛處而停結為瘰癧  
或如梅毒等大小兩三相連在皮間而時發寒熱是也  
久則變膿潰成癭也其湯熨針石別有正方補養宣導  
今附於後養生方導引法云踞踞以兩手從脚入據地  
曲脚加其上舉尻其可用行氣愈瘰癧乳癰出第三十  
四卷中  
甲乙鍼經寒熱瘰癧論黃帝問曰寒熱瘰癧在於頸腋  
者皆何氣所生岐伯對曰此皆鼠瘻寒熱之氣也稽留

於脈而不去者鼠瘦之本皆在於藏其末上出於頸脈  
之間其浮於脈中未著於肌肉而外為膿血者去易問  
曰去之柰何對曰請從其末引其本可使衰去而絕其  
寒熱審安其道以予之徐徃徐來以去之其小如麥者  
一刺知三刺而已決其生死法反其人目視之其中有  
赤脈從上下貫瞳子見一脈一歲死見一脈半一歲半  
死見二脈二歲死見二脈半二歲半死見三脈三歲死  
此赤脈不下貫瞳子者可療

千金同出  
第八卷中

廣濟療瘰癧丸方

鶴骨

狸骨並炙

射干

玄參

升麻炙

青木香

沉香

犀角屑

丁香

羚羊角屑

丹參

甘草炙各四分

人參

沙參各三兩

獺肝六分

連翹六分

光明沙二分研

右十七味搗篩蜜丸以飲服十五丸日二服漸加至

三十九空腹服之忌生冷油膩血食竝酢熱肉海藻

菘菜粘食陳臭生血物等

又療瘰癧方

連翹

射干

玄參

芍藥

青木香

芒硝

升麻

梔子仁

勞

前胡

當歸

甘草

炙

大黃

各二兩

右十二味切以水一斗煮取三升分三服服別相去

如人行六七里快利忌同前方

並出第五卷中

劉涓子療寒熱瘰癧散方

狸骨

五兩  
炙

烏頭

七分  
炮

黃連

六分

右三味搗下篩先食以酒服一錢匕日三良忌豬肉

冷水

范汪同出  
第十卷中

千金療瘰癧方

白殭蠶為散以水服五分匕日三十日差

深師救  
急同

又方

於患人背兩邊腋下後文上隨年壯灸之

又方

灸耳後髮際七壯

又方

槲白皮

二斤

右一味細切以水七升煮取三升去滓真硃砂方寸匕和汁一升旦向日服之強行須臾吐鼠出三朝服良

又方

狸頭一枚炙擣下篩旦白飲服方寸匕日再服之

又方

狼糞灰封上良

又療寒熱瘰癧散方

連翹

土瓜根

龍膽草

苦參

黃連

括樓

芍藥

常山皮

各兩

狸頭骨

一枚  
炙

右九味搗下篩酒服五分匕日三忌豬肉冷水

翼集  
驗古

今錄驗同一方云無狸頭骨加之名  
狸頭散餘同並出第二十四卷中

救急療瘰癧方

馬齒莧陰乾燒灰臘月豬膏和之以煖泔清洗瘡

拭乾傳之日三

出第三卷中

瘰癧結核方四首

廣濟療瘰癧息肉結硬薄方

白斂

甘草 炙

青木香

芍藥

大黃

各三兩

玄參

三兩

右六味搗為散少減以少酢和如稀糊塗故布貼上

乾易之勿停忌豬肉五辛熱肉飲酒熱麪等

又瘰癧結核令消散方

黃芪

七分

玄參

八分

連翹

人參

升麻

青木香

伏苓

蒼耳子

甘草

炙

朴硝

桂心

各四分

枳實

炙去瓢

大黃

羚羊角

屑

麥門冬

去心各五分

鼠粘子

苦參

各九分

右十七味搗蜜丸如梧子以酒下十九日三夜四漸

加至二三十丸以知為度忌同前方

並出第五卷中

肘後療頸下生瘡癧瘰如梅李宜使消之方

海藻

一斤洗

右一味以酒三升漬數日稍稍飲之

文仲備急等同

又方

人參

甘草

炙

乾薑

白飲

各四分

右四味擣篩酒服方寸匕日三忌同

劉涓子文仲備急同出第六卷

中

惡核瘰癧方四首

文仲五香連翹湯療惡肉惡脈惡核瘰癧風結腫氣痛

方

青木香

沉香

雞舌香

各二兩

麝香

半兩

薰陸香

一兩

射干

紫葛

升麻

桑寄生

獨活

通草

連翹

各二兩

大黃

三兩

淡竹瀝

二升

右十四味切以水九升煮取減半內竹瀝更煮取三

升分三服忌五辛

千金方無紫葛雞古香有丁香古今錄驗同出第五卷中

延年丹參湯療惡肉核瘰癧諸風氣結聚腫氣諸病並

主之方

菟藿

丹參

各二兩

甘草

炙

秦朮

獨活

烏頭

炮

牛膝

各一兩

躑躅花

蜀椒

各半兩汗

右九味切以水八升煮取三升溫服一升忌海藻松

菜豬肉冷水

古今錄驗有白及餘並同

又玄參湯主惡核瘰癧風結方

玄參

升麻

獨活

連翹

各二兩

木防己

菊花

各一兩

右六味切以水八升煮取三升分服一升日三

同文仲

又丹參膏主惡肉結核瘰癧脈腫氣痛方

丹參

八分

白欬

獨活

連翹

白及

各四分

升麻

蒴藿

各六分

防己

玄參

杏仁

各五分  
去皮尖

右十味細切以生地黄汁淹漬一宿以鍊成豬膏四升微火煎五上五下藥成絞去滓以摩病處日三四  
癰腫瘰癧核不消方五首

經効犀角丸療瘰癧方

犀角

四分

升麻

三分

大黃

六分

牛蒡子

八分

烏蛇

十分炙  
去頭尾

玄參

八分

右六味末之蜜和丸如梧子大每日至午後煎牛蒡湯下三十五丸

又方

龍骨

八分

牡蠣

八分  
熬

右二味末之酒下三錢匕日三度良

又大黃膏方

大黃

六分

附子

四分  
炮

細辛

三分

連翹

四分

巴豆

一分

右五味以苦酒浸一宿以臘月豬膏煎三上三下去  
滓以綿濾之用傅之日三五度塗之良

集驗療寒熱瘰癧散方

連翹

分六

土瓜根

分四

龍膽草

分五

黃連

分四

苦參

分六

栝樓

分四

芍藥

分五

右七味為散食後溫酒下五分匕日三

又方

陵鯉甲二十一枚燒擣末傅瘡上効

千金同

鼠瘻及瘰癧方一十一首

文仲療瘰癧方

苦參四大兩搗末生牛膝和丸如梧子食後煖水  
下十九日三服

又方

昆布

四分

海藻

四分

右二味各洗去鹹搗末蜜和丸如杏核許大含之日  
三度良差

救急療鼠瘻久不差方

取狼鼠不限多少常作羹粥任喫之必驗

千金經  
効同

范汪療鼠瘻瘰癧方

取臘月豬膏正月鼠頭燒令作灰以膏和傅之愈  
若不差者瘰癧右灸右肩頭三指度以下指灸炷  
皆如雞子大良若不能堪者可如中黃亦可已試  
有良驗

又療頸鼠瘻累累者方

貝母

乾薑

藁本

桂心

蜀椒

各一分  
分汗

右五味搗下篩先食吳茱萸一分以酒服一撮忌生葱

又療鼠瘻瘰癧身熱方

豬椒

二十斤

右一味以水淹足煎熟去滓置瓶中覆瓶口以瘡當上熏候熱極乃止痛膿血鼠當從瘡出便愈

又寒熱鼠瘻瘰癧散方

狸骨

炙

龍骨

各五分

躑躅

熬兩

鼠粘子

當歸

王不留行 土瓜根

各一兩

右七味擣合篩先食酒服方寸匕日再夜一

並出第  
四十二

卷中

集驗療鼠瘻及瘰癧膏方

白馬牛羊豬雞等矢屑

各一斤

漏蘆

藁本

各一斤

右七味並於石上燒作灰研絹篩之以豬脂一升三  
合煎亂髮一兩半令沸髮盡乃內諸藥屑微火上煎

五六沸藥成先去瘡上痂以鹽湯洗新綿拭瘡令燥  
然後傅膏若無痂猶須湯洗日再若著膏當以帛覆  
無令風冷神驗瘰癧以膏傅上亦日再  
古今錄驗  
范汪同

又療寒熱瘰癧散方

白曾青

兩半

當歸

防風

括萎根

芎藭

黃芪

狸骨

灸

甘草

灸各  
二兩

細辛

乾薑

露蜂房

各一  
兩灸

礬石

燒半  
日

大附子

炮

荏子

各半  
兩

斑猫

去首足  
羽熬

芫青

去首  
足羽

各五  
枚熬

右十六味搗下篩為散以酒服一錢匕日再忌豬肉

冷水海藻松菜

古今錄驗范汪同  
並出第八卷中

又療鼠瘦方

蛇腹中鼠蝦蟇燒末酒服方寸匕甚効

又方

以榭葉搗末傅腫上熱炒鹽慰之即消良効

並出  
第五

卷  
中

毒腫瘰癧方四首

崔氏大五香湯療毒氣苦肌肉中腫痛結脈寒熱如瘰癧痛不可近急者數日殺人苦心煩悶便當急速與湯并以滓薄腫脈上方

青木香

雞舌香

沉香

升麻

各五分

藿香

犀角

屑

吳茱萸

桂心

麻黃

甘草

炙各三分

薑陸香

四分

細辛

二分

右十二味㕮咀以水七升煮取二升分三服不差復

合若嗇嗇惡寒加附子中形者一枚炮令坼八破用

忌生冷菘菜海藻豬肉冷水生菜五辛

古今錄  
驗同

又五香湯療毒腫瘰癧方

麝香

研

青木香

雞舌香

藿香

薰陸香

當歸

黃芩

升麻

芒硝

各三分

大黃

五分

右十味㕮咀以水六升煮取二升去滓內硝分二服

相去如人行七八里再服諸卒尸注惡氣亦療

出第  
五卷

中

經心錄射干湯療惡毒身強痛癩瘰方

射干

桂心

各二兩

麻黃

去節

生薑

甘草

炙各四兩

杏仁

四十箇去皮尖

右六味切以水四升煮取三升去滓分三服忌同前

出第五

卷中

又升麻湯療風毒咽水不下及療癰腫方

升麻

芍藥

各四兩

射干

三兩

杏仁

去尖皮三兩

麻黃

去節  
二兩

甘草

灸二  
兩

楓香

葛根

各三  
兩

右八味切以水八升煎取半分三服忌同前

出第  
三  
卷中

灸瘰癧法六首

千金灸瘰癧法

兩腋中患瘰癧處宛宛中百壯上

又法

擣生章陸根捻作餅子置漏上以艾炷灸餅子上

乾熟易之灸三四炷

又法

灸五里大迎各三十壯

又法

葶藶

合三

豉

升一

右二味合擣令極熟作餅如大錢厚二分許取一枚當瘡孔上作艾炷如小指大灸餅上三壯一日易三

餅九炷隔三日一灸

翼同古今錄驗兼主癩不可灸頭瘡葶藶氣入腦殺人劉涓子

同

又法

一切瘰癧在項上及觸處但有肉結凝以作癭瘡及癰節者以獨頭蒜截兩頭留心作孔大艾炷稱蒜大小貼癭子上灸之勿令上破肉但取熱而已七炷一易蒜日三易日日灸之取消止

同 翼

又方

七月七日未出時取麻花五月五日取艾等分

合擣作炷灸癭子一百壯

並出第二十四卷中

九癩方三十一首

廣濟療癩有九種不過此方

芫青

四分足

海藻

八分洗一

昆布

八分洗

雄黃

八分研

狸骨

三分炙

牡蠣

四分熬

地膽

二十枚熬

青木香

三分

右八味搗篩為散酒服一錢匕日二服病從小便出

如爛筋忌生冷粘食豬魚肉陳臭物

出第五卷中

劉涓子療鼠癩方

死蜚螋

燒作灰

右一味苦酒和塗之數過即愈先以鹽湯洗

古今錄  
驗千金

同

又方

五月五日樓桃擣末先鹽湯洗拭之令乾以末傅

瘡上

樓桃  
未詳

又方

烏頭

炮

附子

炮各  
二兩

右二味咬咀著五升淳苦酒中漬之待乾復內苦酒

中燥復內以苦酒盡暴令乾擣末酒服方寸匕日三  
忌豬肉冷水等

又張子仁療鼠瘻要方

柞木皮五升

右一味以水一斗煮熟去皮煎令汁得二升稍稍服

盡當有宿肉出即愈

備急文仲古今錄  
同並出第六卷中

肘後療苦鼻內肉外查瘤膿並出者是蜂瘻方

取蜂房火炙焦末酒服方寸匕日一

深師療鼠瘻方

鱧魚

四兩

野豬皮

瞿麥

一兩

巴豆

十五枚

斑猫

二十枚去頭足羽熬

五月五日蟾蜍

一枚炙

臘月豬脂

五分

右七味搗野豬皮下篩合諸藥更搗下篩內鱧魚以膏和搗干杵平旦未食服如梧桐子二枚覺者寒熱不覺暮復投明日旦起更服三九稍稍增之慎勿食熟食煩悶殺人蟲當從小便出以堪盛之尿便視

乃有百數耳不可以見亦大便出此方驗忌豬肉蘆  
笋等

又方

馬齒礬石燒 真珠粉

右二味擣下篩為散厚塗瘡上不過三愈

又方

松脂

硫黃

狼毒各二兩

豬腦一具

白欵

二兩

右五味熬豬腦取汁狼毒白斂咀以水三升煮取  
一升內腦汁中煎令得五合細末硫黃松脂下篩內  
中攪令相得綿裹內瘡中七日知二七日病除神良  
集驗凡有九種瘻

一曰狼瘻始發於頸頭腫有根起於缺盆上轉連耳根  
腫大此得之因憂恚氣上不得下其根在肺空青主之  
商陸為佐

二曰鼠瘻始發於頸無頭尾如鼯鼠瘻核時上時下使

人寒熱脫肉此得之由食大鼠餘毒不去其根在胃狸骨主之知母為佐

三曰蝮蝮瘻始發於頸項狀如蝮蝮腫潰連生瘡其汁赤黃得之食瓜蝮蝮餘毒及果實不去核其根在大腸荏子主之桔梗為佐

四曰蜂瘻始發於頸瘰癧三四處俱腫起相連潰潰移此得之多飲流水水有蜂餘毒不去其根在脾雄黃主之黃芩為佐

五曰虺蜥瘰始發於頸初得之如傷寒此得之因飲食中有虺蜥毒不去其根在腎礬石主之防風為佐

六曰疥螬瘰始發於頸上下無頭尾如棗核塊塊多在皮中使人寒熱心痛滿此因喜怒哭泣得之其根在心礬石主之白朮為佐

七曰浮疽瘰始發於頸如兩指使人寒熱欲卧此得之因思慮憂憶其根在膽地膽主之甘草為佐

八曰瘰癧瘰始發於頸有根初苦痛瘰癧覺之使人寒

熱得之新沐頭濕結髮汗流入於頸所致其根在腎  
黃王之芍藥為佐

九曰轉脈癩始發於頸如大豆浮在脈中濯濯脈轉苦  
驚惕身如振寒熱始得之時驚卧失枕其根在小腸斑  
猫主之白芷為佐

療癩九種方

空青

研鍊之

商陸根

狸骨

炙

知母

荏子

桔梗

雄黃

黃芩

礬石 燒

防風

礬石 燒汁

地膽 熬

白朮

甘草 炙

雌黃

芍藥

斑猫

去足  
羽熬

白芷

各二  
分

右十八味擣其論病者特加其分餘種令分等細節  
未空青最在後內之苦酒服一刀圭日三服三十日  
知五一日愈七十日平復病者百日禁食魚肉忌生  
菜桃李雀肉海藻菘菜犬肉生血物餘二大豆為一  
刀圭小兒服之半大人全服八歲以下寧從少起過

度令人淋淋即減之

出第九卷中

千金問曰何謂九瘻答曰一曰狼瘻二曰鼠瘻三曰蝮

蝮瘻四曰蜂瘻五曰虻瘻六曰蟻蝻瘻七曰浮疽瘻

八曰瘰癧瘻九曰轉脈瘻謂之九瘻

又瘰癧瘻發於頸頭腫有根起於缺盆上轉連延耳根

腫大此得之因憂恚氣上不得下其根在肺空青主之

商陸為佐方

空青

研二分

蝟腦

二分  
炕之

獨活

一分

蝟肝

一具  
乾之

芎藭

兩半

女婦草

一分

黃芩

鼈甲

灸

斑猫

去翅足

乾薑

當歸

茴香

礬石

燒

地膽

各一分

蜀椒

三十去汗

右十五味作散下節酒服方寸匕日三十五日即止

忌生血物菹菜

劉涓子古  
今錄驗同

又療鼠瘻發於頸無頭尾如鼯鼠使人寒熱此得之因  
食大鼠餘毒不去其根在胃狸骨主之知母為佐方

陵鯉甲

灸

山龜殼

灸

甘草

灸

桂心

雄黃

乾薑

等分

右六味作散下篩服方寸匕日三蜜和內瘡中無不

愈先灸作瘡後與藥良忌海藻生葱

劉涓子備急古今錄驗文仲同

又療鼠瘻瘡差復發及不愈出膿血不止方

以不中水豬脂咬咀生地黄內脂中令其脂與地

黃足相淹和煎六七沸去滓桑灰汁淨洗瘡去惡

汁以地黃膏塗上日一易

范汪同

又療鼠瘻方

得蛇虺所吞口中鼠燒末服方寸匕日再不過三

服此大驗但難遇耳并傳瘡中

范汪同

又療鼠瘻方

死鼠一枚

中形者

亂髮

如雞子一枚

右二物以臘月豬膏令淹鼠髮煎之令其鼠髮都盡消膏成分作二分一分稍稍塗瘡一分以酒服之即

愈矣鼠子當從瘡出神良秘不傳

翼備急文仲集驗范汪同

又療蝮蝮瘻發於頸項狀如蝮蝮腫潰連生瘡其汁赤

黃此得之食瓜螻蛄餘毒及果實不去核其根在大腸  
荏子主之桔梗為佐方

桂心

乾薑

桔梗

礬石

燒

獨活

各一分

附子

一分炮

椒

一百粒汗

芎藭

半分

龍骨

半分

荏子

一分

右十味擣下篩棗二十枚合擣以酢漿丸如大豆溫

漿下五丸

古今錄驗  
劉涓子同

又方

槲葉灰先以泔清煮槲葉取汁洗拭乾內灰瘡中  
又療蜂癭發於頸癰癧三四處俱腫起相連潰潰移此  
得之飲流水有蜂毒不去其根在脾雄黃主之黃芩為  
佐方

蜂房

一具  
灸

鼈甲

一分  
灸

茴香

一分

吳茱萸

二分

椒

一百粒  
汗

乾薑

一分

右六味擣下篩作散傳瘡孔中日十度十日止忌菹菜

又療蜂癭初生時狀如桃而痒搔之則引大如雞子如覆手者方

熬鹽熨之三宿四日不差至百日成癭其狀大如四五寸又廣三寸中生蜂作孔乃有數百治法以石硫黃隨多少然燭燒令汁出著瘡孔中須臾皮中見蜂數十唯蜂盡即差

又療蚰蜢癭發於頸初得如傷寒此因食中有蚰蜢毒不去其根在腎巖石主之防風為佐方

白朮

四分

知母

雌黃

乾地黃

獨活

青黛

斑猫

去首羽  
足熬

白芷

栝脂

芍藥

海藻

一云  
海苔

當歸

各一分

蝟皮

四分  
炙

椒

一百粒  
去汗

桃白皮

一分正  
旦取

右十五味搗下篩作散服一錢匕日三

劉涓子古  
今錄驗同

又療蠱蝮癩發於頸無頭尾如棗核塊塊多在皮中使

人寒熱心痛滿此因喜怒哭泣其根在心礬石主之白

朮為佐方

白朮

一分

礬石

一分

空青

兩三分

當歸

二分

細辛

一分

蝟肉

炙

枸杞根

斑猫

去翅足熬

地膽

各一分熬

乾烏腦

三大豆

右十味搗下篩散服方寸匕日三酢漿服之病在上

側卧在下高枕卧使藥流下

劉涓子古今錄驗同

七曰浮疽癭發於頸如兩指使人寒熱欲卧得之因思

慮憂憶其根在膽地膽主之甘草為佐方

雄黃

一分

乾薑

一分

龍膽

二分一作龍骨

石決明

續斷

菴藺根

各分

細辛

二分

大黃

半分

地膽

一分  
熬

右九味搗下篩為散傅瘡日四五忌生菜

劉涓子同  
古今錄驗

無雄黃有  
硫黃餘同

又療瘰癧瘻發於頸有根初苦痛歷歷覺之使人寒熱  
此得之新沐頭濕鬢髮汗流入於頸其根在腎雌黃主  
之芍藥為佐方

茯苓

續斷

礬石

燒令  
汁盡

乾薑

雌黃

芍藥

桔梗

椒汗

乾地黄

常山

空青

狸肉

烏腦

并腎肝

斑猫

去翅足熬各一分

附子

一兩炮

礬石

二分燒半日

虎指

各一分云虎腎

右十七味搗篩為散蜜丸如大豆夜酒服十九日三

古今錄

驗同

又療轉脈癩發於頸如大豆浮在脈中濯濯脈轉苦驚  
惕身如振寒熱得之於驚卧失枕其根在小腸斑猫主

之白芷為佐方

綠青

二分

礬石

半日  
半分燒

防風

一分

甘草

半分  
炙

大黃

二分

桂心

二分

人參

二分

當歸

二分

升麻

一分

地膽

一分  
熬

白朮

一分

鍾乳

一分  
研

斑猫

一分  
翅足熬去

白芷

一分

續斷

一分

麝香

一分

麥門冬

一分  
去心

右十七味擣下篩蜜丸酒服如大豆十九日三勿食

倉米慎房百日

劉涓子古今錄驗同  
並出第二十四卷中

崔氏療九種瘰癧方

芫青

二十枚去足翅熬

地膽

十枚去足羽熬

斑猫

三十枚準上

生犀

如棗核大屑

豉

四十粒

大豆黃

一百枚生用

牛黃

棗核大

蜈蚣

一枚肥大者折取一寸半微火熬

右八味擣篩蜜丸如梧子初欲服藥少夜食明旦飲

服二九須臾可煮酢漿薄粥稍稍冷飲之其瘰癧蟲有

形狀皆從小便出至日西甚虛悶可煮湯食蔓菁菜

羹醬食之其餘脂膩醋脯一切口味五辛果子之類

並不得食人強隔日一服人弱兩三日一服服藥以  
瘡差蟲盡為度若差仍作二十日許將息藥欲盡豫  
合勿使斷絕藥氣不能將息便不須服

救急千金同  
出第五卷中

張文仲療鼠瘻方

石南

生地黃

雌黃

茯苓

黃連

各二  
兩

右五味作散傳瘡日再

備急  
同

又療鼠瘻諸惡瘡方

苦參

三斤

露蜂

五兩

麴

二升

右三味以水三斗漬藥三宿去滓黍米二升釀熟飲

日三一方得蝟皮一具

劉涓子同並出第五卷中

備急劉涓子鼠瘻方

山龜殼

炙

桂心

雄黃

乾薑

狸骨

炙

甘草

炙

右六味等分搗篩為散飲服方寸七日三蜜和內瘡

中無不愈先灸作瘡後與藥良

又方

礬石

三分  
燒

斑猫

一分去首  
足羽熬

右二味擣下篩用酢漿服半匕須臾瘰癧從小便出

刑繁文仲同  
出第五卷中

古今錄驗療鼠瘻麝香塗方

麝香

研

雌黃

研

右二味等分並為散取蝦蟇背白汁和塗瘡孔中日

一度

又療鼠瘻著頭生小者如杏大者如杯方

斑猫

一分去首  
足羽熬

牡蠣

二分  
熬

海藻

四分先  
去醎味

右三味擣下篩酒服五分匕日三病當從小便出如

魚胞忌蒜

並出第四  
十一卷中

諸瘻方一十五首

劉涓子瘻腫病方

斑猫

四十枚去  
足翅熬

桂心

四分

芫青

十枚  
去足

翅  
熬

葛上亭長

三十  
枚熬

右四味搗下篩酒服半錢匕日一忌生葱

又療瘰癧方

斑猫

四十枚去  
足羽熬

地膽

三十枚去  
首足翅熬

蜥蜴

三枚  
炙

右三味搗之千杵蜜和如大豆服二丸

又療瘰癧方不差効驗方

牡蒙

數  
兩

右一味搗之湯和適寒温取一升許薄瘡上冷易經

宿佳

又療瘻生肉膏方

桑薪灰三升水四升淋之復重淋之取三升石灰  
熬令黃內灰汁中以兩重帛裹絞去滓更魚目煎  
取二升勿用急火煎隨瘻孔深淺初時作服散而  
差孔若深四寸新藥與孔裏薤白使濡安藥薤白  
入藥孔裏若深四寸隨瘻根而灸兩處每處與四  
十壯唯勿灸瘻孔隨深淺去膿散與膏安著瘡孔

裏十五過少遷延日月取差肉滿膿亦斷神良無

比

出第六  
卷中

肘後論此本在諸方瘡條中病類既多今狀出為別一篇凡瘻病有鼠蛇蜂蛙蚓類似而小異皆從飲食中得其精氣入人肌體變化成形瘡既穿潰浸諸經脈則亦殺人而鼠蟻最多以其間近人故也

通治諸瘻方

以八月中多取斑猫蟲即內苦酒中半日許出暴

乾使十取六七枚著銅器中微火上遙熬令熟擣  
作屑巴豆一粒去皮熬之又拔取黃犬背上毛二  
七枚亦熬作屑好朱以錢五分匕都合和以苦酒  
頓服之蟲當盡出若一服未効先時可預作三兩

劑後日服遠不過三兩劑

通按朱一作末

又方

虎薊根

杜蘅

枳根

酸棗根

各一

把

斑貓

一枝一方云三分去頭足翅熬

貓薊根

各一

把

右六味搗蜜丸日一服如棗一枚以小丸著瘡中

又方

若先著下部邊或上出耳後頸項諸處者苦參切五升以苦酒一斗漬三四日宜服一升亦加之但多作以知為度不過三四度必差

又療瘻方

槲木皮長一尺闊六寸去黑皮細切以水一斗煮

取五升去滓內白糖十挺煎取一升分三服以銅器接吐出看視之

又方

新生兒矢一百日以來皆收置蜜器中五十六十日取塗瘡孔中

又方

鯉魚腸切作五段火上脫之洗瘡拭乾以腸封之冷即易自暮至旦乾止覺痒開看蟲出差

崔氏療癩方

搨白皮

切取  
五升

右一味以水八升煮令泣泣絞去滓重煎令成膏日

服半棗漸加至一棗許亦著瘡上無忌患瘡唯宜煮

飯苜蓿鹽醬又不得多食之

出第五  
卷中

備急療癩生肉膏方

棟白皮

二兩

鼠肉

二兩

薤白

三兩

當歸

四兩

生地黃

五兩

右五味以臘月豬膏三升煎薤白黃色膏成傳瘡孔

上令生肉

肘後文  
仲同

又葛氏云苦著口裏方

棟木東引根切

右一味水煮取濃汁含之數吐勿咽

肘後同並出  
第五卷中

備急療諸瘻方

取葶藶子擣細羅取好白蜜和丸每欲著藥先溫  
泔洗著瘡孔中以丸內之若塞以物道開日三度

瘡痛是差候勿停藥大効

出第五卷中

必効療諸瘻方

先以泔清溫洗以綿拭之取葵葉微火煖貼之引膿不過三二百葉膿盡出即肉生王丞頻用大奇効

腋臭方三十七首

病源人腋下臭如葱豉之氣者亦言如狐狸之氣者故謂之狐臭此皆血氣不和蘊積故氣臭

出第三十一卷中

肘後療人體及腋下狀如狐鼠氣世謂之胡臭方

炊甑飯及熟丸以拭腋下臭仍與犬食之七日一

如此即差

文仲備  
急同

又方

煮雞子兩枚熟去殼及熟各內腋下冷弃之三路

口勿反顧三為之

文仲備  
急並同

又方

燒好礬石末絹囊盛之常以粉腋下不過十度

小品

集驗文仲  
備急同

又方

青木香

二兩

附子

一兩

礬石

半兩  
燒

白灰

一兩  
半

右四味細末著粉腋下汗出因以粉之亦差

又方

青木香

一斤

石灰

半斤  
熬

右二味常以粉身亦差並搗末傳之

又方

乾薑

胡粉

白灰等分

右三味合作末粉之

范汪同並出  
第五卷中

千金療胡臭漏腋有天生胡臭有為人所染臭者天生者難療為人所染者易差然須三年傳白礬散勿止并服五香丸乃可得差勿言一度傳藥即差止可傳藥時暫得一度差耳凡胡臭人通忌食芸薑五辛療之終身不差胡臭方

辛夷

芎藭

細辛

杜蘅

藁本

各三分

右五味以咀以苦酒漬之一宿煎三日取汁傳之以

差為度

小品集驗必効范汪同

五香丸主口臭及身臭止腫痛散血氣方

豆蔻子

丁香

藿香

白芷

青木香

當歸

桂心

各一兩

零陵香

一兩

甘菘香

二分

香附子

二兩

檳榔

二枚

右十一味擣下篩蜜丸如大豆日三夜一時含之咽

津五日內口香十日身香二七日衣被香三七日下  
風人聞香四七日靜洗手水落地香五七日把他人  
手亦香禁五辛下氣去臭第一

出第六  
卷中

又石灰散主胡臭方

青木香

楓香

丁香

薰陸香

各二

兩

陽起石

橘皮

各三  
兩

礬石

四兩  
燒

石灰

一升  
熬

右八味擣下篩以綿作篆子麤如四指長四寸展取

藥著上即以絹囊盛之繫著臂先以布拭指令痛然後夾之

又方

水銀胡粉面脂研和傅之大驗

救急同

又方

辛夷

細辛

芎藭

青木香

右四味等分擣下篩作散熏畢粉之

又方

伏龍肝作泥傅之良

又方

牛脂和胡粉三合煎令可丸塗腋下宿即愈

集驗

同

又方

三年苦酒和石灰傅之

又方

赤銅屑以酢和銀器中炒極熱以布裹熨腋下冷

復易差止

又方

附子

炮

石灰

熬

青木香

三兩

礬石

三分  
燒

米粉

一升

右五味擣篩常粉之

又方

馬齒草一束

右一味擣碎以蜜和作團以紙裹之以泥糊紙厚半

寸暴乾以火燒熟破取更以少許蜜和使熱勿令冷  
先以生布揩之夾藥腋下痛久忍不能得然後以手

中勒兩臂差

出第二十  
五卷中

崔氏療胡臭有效方

先用泔清淨洗又用清酢漿水淨洗訖微揩使破  
取銅屑和醃酢熱揩之不過三四度差

又方

胡粉

銅青

右二味等分研以人乳和塗腋下若成瘡且停瘡差

又塗以差為度

出第四卷中

張文仲療胡臭若股內陰下常汗濕且臭或作瘡者方

但以胡粉一物粉之即差常用大驗

備急同

又隱居効驗胡臭方

雞舌香

藿香

青木香

胡粉

各二兩

右四味搗散作粉綿裹內腋下常傅即差

備急同出第七卷中

救急療腋臭方

銅屑

一升

石灰

三升  
熬

右二味合和囊盛粉之有汗便粉之

又方

甘草

炙

松根白皮

甘瓜子

大棗

各四分

右四味為散食後服方寸匕日三

出第三卷中

又方

雞矢

白礬石

熬令汁盡

黃礬

熬

附子

炮

木蘭皮

青木香

各一大兩

右六味搗為散粉之又石龍衣一大兩蛇蛻皮是也  
以子日夜半燒為灰服之

又方

常以鹽綠和醎酢塗之一遍一年再塗永除以胡  
粉和水銀和令相入塗腋下十日以來無氣

出第八卷

中

又方

黃礬

細辛

芎藭

各二兩

雄黃

一兩

右四味擣下篩為散先以泔清洗腋拔去毛令血出

以粉腋下

出第九卷中

必効療腋臭方

好礪砂

二兩

好白礬

熬

蜜陀僧

各三兩

酢酪

二兩

胡粉

二分

金屑

八分

鉛錫

生銅屑

各二

分

右八味並研令細酢一升新銅器中盛藥密封其口  
二七日看上青綠色鬱鬱然其藥即成還須研令極

細至用時若乾更以好酢和藥以塗病處若有毛先拔去以石灰水淨洗拭使乾以生布揩令微赤可作瘡一日一塗洗遠不過十日即待腋瘡差訖更取銅屑細研成粉粉病處日五六即止病差終身不得帶麝香食胡荽

又方

取五月五日承露百草陰乾火燒為灰用井華水和灰為團重火鍊如燂灰色鍊訖即以醎酢和為

餅厚如掌大小徑二寸以來即於兩腋下挾即易  
夾時一身連頭並悶二日後若病不差復著藥微  
發亦不甚臭還依法療之永斷

又金錯屑塗法

金錯屑

一銖

銀錯屑

一兩

赤銅屑

香附子

胡粉

錢錯屑

各一兩

三年醋

三升

右七味以羊酪一升於銅器中煮得二沸以用塗之

又方

三年醱酢

二升碎銅

一斤鹽

二合灰

右四味浸藥攪藥色青即塗腋下日三四塗三日小

愈一月全差

又方

大銅錢

二七文

白梅

二七箇

鹽

一升

右三味以五月五日水一升共置瓶子裏掛戶上百日畢可取用塗不得婦人為塗藥食粘食蒜發

又方

以酢五合內銅器中以錢十四文胡粉五銖置中  
泥頭七日後以粉十銖和之訖去腋下毛日再傳  
之合藥勿令人見秘之

又方

以首子男兒乳汁浸鹽研銅青拔去毛使血出塗  
差

又方

醎醋浸青木香置腋下夾之即愈

又方

錢

三七文

胡粉

三兩

馬齒草

粗莖三兩

青木香

二兩

大酢

半升

右五味切先以醋漬錢五六日然後總漬諸藥一物煮五六沸置坩器中先以石灰汁洗病處拭乾訖塗

之以差為度

並出第三卷中

古今錄驗療胡臭青羊脂粉方

胡粉

銅青

等分

右二味先以鹽湯洗兩腋下及著藥且淋洗又以青  
羊脂和傅數日差

又錢汁傳方

錢

文二十七

右以礪石磨令平以夾腋下神良

范汪同並出  
第三十卷中

漏腋方三首

病源腋下常濕仍臭生瘡謂之漏腋此亦是氣血不和  
為風邪所搏津液蘊瘀故令濕臭

出第三十  
一卷中

集驗療漏腋腋下及足心手掌陰下股裏常如汗濕致  
臭六物胡粉傳方

乾枸杞根

半兩 胡粉 一兩

乾商陸根

一兩 滑石 一兩

乾薔薇根

半兩 甘草 半兩

右藥擣下篩以苦酒和塗腋下當微汗出易衣復塗  
著藥不過三傳便愈或更發復塗之不可多傳傷人

腋餘處亦塗之

小品文仲備急范  
汪同出第九卷中

經心錄漏腋方

正朝旦以小便洗

文仲備急集驗小品范汪千金同

又方

搗馬齒草腋下夾之令燥後復易之先用雌黃石  
灰等分合水煎一兩沸如泥泥之毛落然後塗諸

藥良

並出第五卷中

七孔臭氣方三首

千金療面目口齒七孔臭方

沉香

五兩

甘草

二兩

白瓜瓣

半升

芎藭

二兩

丁香

五兩

藁本

二兩

麝香

二兩

當歸

二兩

右八味擣下篩蜜丸食後含如小豆五粒日三秘不

傳久服令人舉體皆香

救急同出  
第六卷中

救急療人七孔臭氣方

甘草

五分  
炙

芎藭

四分

白芷

三分

右三味作散下篩食後飲服方寸匕日三

又方

瓜子仁

一分

芎藭

藁本

當歸

杜蘅

各一兩

細辛

二分

防風

一分

右七味擣下篩食後溫水服方寸匕日三

令人體香方四首

肘後令人體香方

白芷

薰草

杜若

杜蘅

藁本

等分

右五味末之蜜和旦服如梧子三九暮服四九三十

日足下悉香

文仲備急  
范汪同

又方

甘草 灸

瓜子

大棗

松根皮 等分

右四味擣下篩食後服方寸匕日三二十日覺効五  
十日身體並香百日衣服床帟悉香 文仲備急范汪千金同

又方

瓜子仁

芎藭

藁本

當歸

杜蘅

細辛 各二分

白芷

桂心 各五分

甘草 二分灸

右九味搗下篩食後服方寸匕日三五日口香二十

日肉香

文仲備急同  
出第五卷中

千金療諸身體臭方

竹葉

十兩

桃白皮

四兩

右二味以水一石二斗煮取五斗浴即香

出第六  
卷中

雜療汗出不止方一十首

集驗療止汗粉藥方

牡蠣

二兩  
熬

附子

半兩  
炮

麻黃根

二兩

右三味擣篩以白粉一升和合粉汗汗止忌豬肉

又汗後遂漏不止其人惡風小便難四肢微急難以屈

伸桂枝加附子湯方

大棗

十三枚擘

附子

一枚炮

桂心

三兩

芍藥

三兩

生薑

三兩

甘草

二兩炙

右六味切以水七升煮取三升溫服一升

延年同此本張仲景

傷寒

論方

千金止汗方

青松葉

一斤

右一味搗令汁出清酒一升漬二宿近火一宿初服

半升漸至一升頭面汗即止

出第八卷中

延年澤瀉湯療大虛煩躁止汗治氣方

澤瀉

茯苓

各二兩

牡蠣

熬

白朮

各兩

生薑

半升

右五味切以水八升煮取二升分服一升日再服

又都梁散療汗出如水及汗出衄血吐血小便血殆死

方

都梁香

二兩

紫菀

人參

青竹茹

茯苓

各一兩

乾地黄

二兩 熬令燥

右六味搗下篩水服方寸匕不効須臾再服忌蕪荑  
又療大病之後虛汗不可止方

杜仲

牡蠣

等分 熬

右二味搗下篩向暮卧以水服一錢匕午前汗止者  
不再服服之令人乾燥若汗不止者復服一錢不過

再必愈有驗天行及百病後虛吸漏汗遂服之無不止者

又療大病後虛汗出不禁者方

棗粉

豉等分  
焦炒

故竹扇如手掌大  
燒取灰

右三味合搗以絹囊盛粉體立止最驗當先熬末粉

之千金  
並同

又粉散療大病後身體虛腫汗出止汗方

麻黃根三兩

防風

乾薑

細辛

各二兩

白欵

一兩

右五味合下篩以粳粉五升熬令黃合和以粉身

出第

十一  
卷中

古今錄驗療汗出不止朮桂散方

麻黃

桂心

各五分

白朮

附子

炮

菖蒲

各三分

右五味搗末酒服方寸匕日三末食服

又止汗熱雷丸散方

雷丸

桂心

牡蠣

各五分熬

右三味擣下篩粉身日三

出第二十卷中

外臺祕要方卷二十三